

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. जम्मू-कश्मीर सरकारै विधानसभा च जानकारी दिती ऐ जे किसान क्रेडिट कार्ड स्कीम तैहत दोआर कर्जे माफ करने दा कोई प्रस्ताव नेई रखेआ गोआ ऐ।
2. सरकार नै औषधीय ते खुशबूदार बूहटे दे सैक्टर गी बढ़ावा देने लेई उच्च स्तरीय पैनल दा गठन कीता।
3. जम्मू-कश्मीर च हाल दे बरें दरान कैंसर दे 32 जहार शा मते मामले सामने आए न।
4. जम्मू-कश्मीर विधानसभा सचिवालय नै घोशणा कीती ऐ जे 16 फरवरी गी सदन दी कार्रवाई नेई होग ते जेहदे कम्म इस दिन आस्तै तय हे, हून ओह 20 फरवरी गी होडन।
5. मौसम विभाग नै कल ते 17 फरवरी गी किश उच्चियें धारें ँर हौली बर्फबारी दी ँशगोई कीती ऐ।

<><><><><><>

KCC Loan Waiver

जम्मू-कश्मीर सरकार नै अज्ज विधानसभा च जानकारी दिती ऐ जे किसान क्रेडिट कार्ड स्कीम दे तैहत लोन माफ करने दा कोई प्रस्ताव नेई रखे दा ऐ। आकाशवाणी जम्मू संवाददाता नै एह साफ कीता ऐ जे एह जानकारी विधायक डॉ. देवेन्द्र कुमार मन्याल हुंदे राएं पुट्टे गेदे सवालै दे ँरते च दिती गेई जेदे लिखित ँरते च राई-बाई उत्पादन विभाग दे मंत्री जावेद डार हौरें एह जानकारी दिती।

<><><><><><>

JK Govt.

जम्मू-कश्मीर च औषधीय ते सुगंधित बूहटे लाने गी बढ़ावा देने दी महत्वपूर्ण गेंस च सरकार नै समेबद्ध योजना बनाने लेई उच्चे स्तर दी इक बैठक रक्खी। आकाशवाणी जम्मू दे संवाददाता हुंदी रिपोर्ट मुजब कल सामान्य प्रशासन विभाग जी.ए.डी दे राएं दिते गेदे सरकारी आदेश दे मुताबक जम्मू-कश्मीर च सुगंधित ते औषधीय बूहटे लौआने दी प्रक्रिया गी बढ़ावा देने लेई कमेटी बनाने

आस्तै आखेआ गेदा ऐ ते इस कमेटी दे चेयरमैन राई-बाई उत्पादन विभाग दे प्रशासनिक सचिव होर होडन।

<><><><><><>

Cancer Cases

सेहत मंत्री सकीना इतू होरें अज्ज आखेआ जे हाल दे बरें च पूरे जम्मू-कश्मीर च कैंसर दे 32 जहार शा मते मामलें सामने आए न जिंदे चा तकरीबन 79 प्रतिशत मामले छड़े कश्मीर घाटी थमां गै दर्ज कीते गे न। विधानसभा च पीडीपी दे विधायक वहीद उर रहमान ँर्रा हुं'दे आसेआ पुच्छे गेदे सोआलै दा ँरता दिंदे होई मंत्री होरें आखेआ जे कश्मीर संभाग च 2022 थमां 2024 बरें तगर 25 जहार 621 मामले दर्ज कीते गए जिसलै के जम्मू संभाग च 2023 थमां 2025 बरे तगर 6 जहार 804 मामले सामने आए न। उनें आखेआ जे आमतौरा ँर कैंसर दे मामलें च फेफड़े, स्तर, मुंह, गर्भाशय, ग्रीवा दे प्रोस्टेट कैंसर शामिल न।

<><><><><><>

Medical Conf. Rajouri

राजौरी च पहली बारी राष्ट्री स्तर दी मेडिकल कांफ्रेंस आयोजित कीती गई जेदा विशेसार हा “अंतरदृष्टि-2026”। एह कांफ्रेंस उत्थूं दे गौरमेट मेडिकल कालेज दे महिला रोग यानि गायनोकॉलॉजी विभाग आसेआ करोआई गई। मुख्यै दे बक्ख-बक्ख हिस्सें थमां मन्ने-ँरमन्नी दी चिकित्सा क्षेत्रें दे माहिरें इस कांफ्रेंस च हिस्सा लैता। इस समारोह च साइंस कन्ने सरबंधी सत्र, वर्कशापां, गल्लबात समेत होर गतिविधियां होइयां, जिंदा मकसद महिलाएं लेई सेहत सरबंधी सेवाएं गी सुधारना हा। मेडिकल दे विद्यार्थिएं गी बी एहदे कन्ने लाह मिलेआ कीजे इस कांफ्रेंस च उनेंगी राष्ट्री स्तर दे माहिरें थमां नमीं तकनीकां सिक्खने गी मिलियां ते अनुभव आधारित ज्ञान सिक्खने गी मिलेआ। इस बारै गल्ल करदे होई विभाग दे एच.ओ.डी डॉ. चंद्र शेखर होरें आखेआ

<><><><><><>

DC-Samba

साम्बा जिले दे दूर-दरेडे इलाकें च सेहत सरबंधी सेवाएं गी होर मजबूत करने लेई डिप्टी कमिशनर आयूषी सूदन होरें सेहत विभाग गी जरूरी समेयान कन्ने भरी दी एम्बुलेंस सौंपी। एह एम्बुलेंस कंधारी वैबरेजस लिमिटेड कंपनी दी साम्बा इकाई नै कार्पोरेट दी सामाजिक जिम्मेदारी यानि सी.एस.आर पहलकदमी दे तैहत दिती ही। एम्बुलेंस गी साम्बा दे चीफ मेडिकल आफिसर डॉ. विधि भटियाल गी सौंपेआ गेआ जेदे लेई उनें कंपनी दा आभार जताया। इस एम्बुलेंस गी मेडिकल

इमरजेंसी दे बेल्लै इस्तेमाल कीता जाहग। आकाशवाणी कन्नै गल्ल करदे होई साम्बा दी डिप्टी कमिशनर आयुषी सूदन होरें आखेआ

इस सरबंधै च साम्बा दे सी.एम.ओ होरें बी अणे बिचार सांझा कीते।

<><><><><><>

Students Visit

विश्व रेडियो ध्याड़े दे मौके पर जम्मू संस्कृति स्कूल दे किश बच्चें अज्ज आकाशवाणी जम्मू दा दौरा कीता। इस जोश भरे दे बच्चें आकाशवाणी जम्मू दे बक्ख-बक्ख विंग्स जियां के प्रोग्राम सेक्शन, कंट्रोल रूम, स्टूडियो, प्रशासनिक सेक्शन ते रिजनल न्यूज यूनिट दा दौरा कीता। एहदे अलावा उनें न्यूज हेड एन. गुलशन रैना होरें ते बाकी अमले कन्नै बी गल्लबात कीती।

<><><><><><>

Assembly Off Day

जम्मू-कश्मीर विधानसभा सचिवालय नै घोषणा कीती ऐ जे सोमवारें 16 फरवरी गी सदन दी कारवाई नैई होग। एह फैसला सब्भनें दी सहमती कन्नै लैता गया ऐ। विधानसभा सचिवालय आसेया जारी Bulletin मूजब 16 फरवरी गी जेड़े कम्म तय हे- हुन ओह 20 फरवरी गी शक्रवारें होगंन।

<><><><><><>

Army Commander Security Review

सेना दी उत्तरी कमान दे प्रमुख लेफ्टिनेंट जनरल प्रतीक शर्मा होरें उधमपुर जिले च इक सांझी बैठक च आतंकवाद रोधी ढांचे गी तगड़ा बनाने दे मकसद कन्नै कीते गेदे सुरक्षा उपाएं दी समीक्षा कीती ऐ। आकाशवाणी जम्मू संवाददाता दी रिपोर्ट मूजब सेना दे कमांडर होरें कल वर्चुअल तरीके राहें नियंत्रण केंद्रें दी सांझी हफतावार बैठक दी अध्यक्षता बी कीती ही। इस बैठक च सेना दे वरिष्ठ अधिकारियें दे अलावा प्लस ते सी.आर.पी.एफ दे सीनियर एहलकारें ते जम्मू ते श्रीनगर दौनें खितें थमां होरें सरबंधत धड़ें बी हिस्सा लैता। इस दरान कुसै बी घटना थमां निब्बड़ने आस्तै पूरी चाल्ली तैयार रौहने, खुफिया जानकारी सांझी करने, एजेंसिएं दे आपूँ च तालमेल च सुधार करने ते आतंकवाद रोधी ढांचे गी होर मजबूत करने पर चर्चा कीती गई।

<><><><><><>

Shobha-Yatra

ट्रैफिक पुलिस नै कल 14 फरवरी गी महाशिवरात्रि दी पूर्व संज्ञा जम्मू च आयोजित कीते जाने आहली शोभा जातरा दे चलदे ट्रैफिक इंतजामें गी लेइयै परामर्श जारी कीता ऐ। एह जातरा रणवीरेश्वर मंदर थमां शुरू होग ते शैहरै दे बक्ख-बक्ख हिस्सें थमां लंग्घियै वास मंदर परतोग। अधिकारियें जानकारी दिती ऐ जे इस रस्ते पर बड्डलै 10 बजे थमां ट्रैफिक बांदियां लागू रौहडन। इस बारे होर जानकारी देआरदे न स्हाड़े जिला संवाददाता

<><><><><><>

Shivratri KP Township

जम्मू-कश्मीर च विस्थापितें आस्तै रिलीफ कमिशनर डॉ. अरविंद करवानी होरें केंद्र शासित प्रदेश दी बक्ख-बक्ख थाहरें रवा' रदे कश्मीरी पंडित समुदाय दे लोकें आस्ते ओंदे महाशिवरात्रि दे तयौहार लेई पूरे इंतजामें दी घोशणा कीती ऐ। उनें आखेआ जे सब्बै सरबंधत मैहकमे, किट्ठे रलियै कम्म करा रदे न तां जे समारोहें गी बवस्थित ढंगै नै आयोजित कीता जाई सकै। लोकें दिएं तैयारिएं सरबंधी जरूरतें गी पूरा करने लेई बक्ख-बक्ख प्रवासी शिविरें च विशेष स्टाल बी लाए जा'रदे न। करवानी होरें इब्बी आखेआ जे केंद्र कमांडरें गी निर्देश दिते गेदे न जे ओह इंतजामें दी आपू निगरानी करन ते इस गल्लै गी यकीनी बनान जे सब्बै लोड़चदी सहूलतां समेंसिर उलब्ध होन। उनें आखेआ

<><><><><><>

Snow Marathon

डोडा दे जिला प्रशासन- राष्ट्रीय राईफल्स ते भद्रवाह विकास प्राधीकरण 16 फरवरी गी Snow Marathon –Run For Martyrs दा सरिस्ता करा'रदा ऐ। एह द्रौड़ 5 किलोमीटर दी होग- जेड़ी Chinta इलाके थमां Jai Ghati तगर होग। एदा मकसद शहीदें दा सम्मान ते लोकें अंदर देशभक्ति दी भावना पैदा करना ऐ। एदा विषे सार ऐ- Feel the Snow- Feel the Pride.

<><><><><><>

Weather

मौसम विभाग नै 14 ते 17 फरवरी गी किश उच्चियें धारें पर हलकी बर्फबारी होने दी पेशनगोई कीती ऐ। इसदे इलावा मौसम आमतौर पर 25 फरवरी तगर खुशक गै रहोग। लोकें ते यात्रियें गी सलाह दिती गेई ऐ जे ओह मौसम बारे सरबंधी जानकारी लैदे रौहन। मौसम बारे हो'र मती जानकारी दिंदे होई विभाग दे निदेशक मुख्तार अहमद हो'रें गलाया

<><><><><><>

